



საიას სადამკვირვებლო მისია

საქართველოს ახალგაზრდა იურისტთა ასოციაციამ 2014 წლის 15 ივნისის ადგილობრივი თვითმმართველობის არჩევნებზე სადამკვირვებლო მისიის შესახებ პრესკონფერენცია გამართა. საია დაფუძნების დღიდან (1994 წელი) აქტიურად აკვირდება საკანონმდებლო, აღმასრულებელი ხელისუფლებისა და ადგილობრივი თვითმმართველობის არჩევნებს და ცდილობს ხელი შეუწყოს არჩევნების მშვიდ, სამართლიან გარემოში ჩატარებას, საარჩევნო პროცესების დროს საქართველოს კანონმდებლობის განუხრელ დაცვას.

საქართველოს ახალგაზრდა იურისტთა ასოციაცია 15 ივნისს ადგილობრივი თვითმმართველობის არჩევნების დღეს თბილისისა და 10 რეგიონის 40 საარჩევნო ოლქში დააკვირდება.

სტატიკური დამკვირვებლები განთავსდებიან საქართველოს მასშტაბით 400 საარჩევნო უბანში. 40 ოლქში მობილური ჯგუფების მეშვეობით შევძლებთ პრობლემატურ უბნებზე მიმდინარე პროცესების დაკვირვებას. ორგანიზაციის სადამკვირვებლო გამოცდილების გათვალისწინებით ჩვენი განსაკუთრებული ყურადღება მიმართული იქნება გამონაკლის შემთხვევებში შექმნილ უბნებზე, უმცირესობებით დასახლებულ ოლქებში არსებულ უბნებსა და წინა არჩევნების დროს გამოკვეთილ პრობლემურ უბნებზე.

საიას დამკვირვებლები იქნებიან ქვეყნის ყველა რეგიონში და შემდეგ ოლქებში:
თბილისის 10 ოლქი, ასევე -

1. ბათუმი;
2. ქობულეთი;
3. ხელვაჩაური;
4. ხულო;
5. ქუთაისი;
6. წყალტუბო;
7. თერჯოლა;

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



8. ხონი;
9. ამბროლაური;
10. ოზურგეთი;
11. ლანჩხუთი;
12. ჩოხატაური;
13. ზუგდიდი;
14. წალენჯიხა;
15. ხობი;
16. გორი;
17. ქარელი;
18. კასპი;
19. ხაშური;
20. ახალციხე;
21. ადიგენი;
22. ასპინძა;
23. რუსთავი;
24. მარნეული;
25. ბოლნისი;
26. გარდაბანი;
27. თელავი;
28. სიღნაღი;
29. ახმეტა;
30. დუშეთი.

არჩევნების დღეს საიაში იმუშავებს სპეციალური ცხელი ხაზი, რომლის მეშვეობით, მოქალაქეებს, შეეძლება სამართლებრივი კონსულტაციების მიღება კენჭისყრის პროცედურებთან დაკავშირებით. ცხელი ხაზის ნომერია: **218-26-11**

კენჭისყრის დღეს, საიაში ასევე იმუშავებს ცხელი ხაზი ჟურნალისტებისა და მედია ორგანიზაციებისათვის. ცხელი ხაზის ნომერზე **230-61- 63** დარეკვით ჟურნალისტებს და მედია ორგანიზაციებს შეუძლიათ მიიღონ მათთვის საინტერესო ინფორმაცია და იურიდიული კონსულტაცია საარჩევნო პროცედურების, კენჭისყრის დღის დარღვევებისა და მათზე რეაგირების გზების შესახებ და შეეძლება მოგვანოდონ ინფორმაცია მათ მიერ კენჭისყრის დღეს დაფიქსირებული დარღვევების შესახებ.

ასევე არჩევნების დღის დარღვევების შესახებ ამომწურავი ინფორმაციის მისაღებად

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



ენჯიეთ www.electionsportal.ge-ს, სადაც შეგიძლიათ განათავსოთ თქვენს მიერ დაფიქსირებული დარღვევა ონლაინ ფორმის მეშვეობით ან უფასო SMS-ის საშუალებით ნომერზე 90039.

არჩევნების დღის დაკვირვების მიმდინარეობის თაობაზე საია დღის განმავლობაში 4 პრესკონფერენციას გამართავს არასამთავრობო ორგანიზაციათა მედია-ცენტრში (მისამართი: ჭავჭავაძის გამზირი 23).

პრესკონფერენცია გაიმართება: 10:00 საათზე; 14:00 საათზე; 18:00 საათსა და 21:00 საათზე. ხოლო 16 ივნისს საია შეაფასებს არჩევნების დღეს და პრესკონფერენციას გამართავს 12:00 საათზე.

საიას დამკვირვებელთა ლიგა

2014 წლის 13 ივნისს საქართველოს ახალგაზრდა იურისტთა ასოციაციამ „დამკვირვებელთა ლიგის“ პრეზენტაცია გამართა.

„დამკვირვებელთა ლიგის“ უმთავრესი მიზანია საიას გამოცდილი დამკვირვებლების აქტიური ჩართვა საარჩევნო და ადგილობრივი თვითმმართველობის რეფორმირების პროცესში. მიგვაჩნია, რომ ქვეყნისთვის სასურველი სტანდარტის არჩევნების ჩატარება მხოლოდ წინასაარჩევნო გარემოს, არჩევნების დღისა და შედეგების შეჯამების პერიოდის მონიტორინგით შეუძლებელია. არჩევნებიდან არჩევნებამდე აუცილებელია საზოგადოების აქტიურობა კანონმდებლობის დახვეწის, გადაწყვეტილების მიღების პროცესში ჩართულობის, ცნობიერების ამაღლებისა თუ სხვა კუთხით.

დამატებითი ინფორმაციისთვის [ენჯიეთ ჩვენს facebook გვერდს:](#)

საიას საარჩევნო-ანალიტიკური ბაზა

არჩევნების დღეს საიას საარჩევნო-ანალიტიკური ბაზა რეალურ დროში შეაგროვებს ინფორმაციას და მოახდენს მის ანალიზს - საქართველოს ყველა რეგიონში წარგზავნილი დამკვირვებლებისა და ანალიტიკოსების მეშვეობით. „დამკვირვებელთა ლიგის“ წევრები მოახდენენ მყისიერ რეაგირებას ნებისმიერ დარღვევაზე, რის შესახებაც დაუყოვნებლივ მიაწვდიან ინფორმაციას საიას ბაზის ოპერატორს, რომელიც მუდმივ რეჟიმში განაახლებს ინფორმაციას ბაზაში.

დროის ნებისმიერ მონაკვეთში საიას ანალიტიკურ შტაბს მყისიერად ეცოდინება, თუ რა მგომარეობაა დედაქალაქსა და საქართველოს ათ რეგიონში. საია საარჩევნო-ანალიტიკური ბაზის საჯარო ნაწილს, რომელშიც აისახება საქართველოს მასშტაბით ჩვენი

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



დამკვირვებლების მიერ დაფიქსირებული დარღვევები კატეგორიების მიხედვით, მათ მიერ წარდგენილი საჩივრების შესახებ ინფორმაცია, ამ საჩივრებზე მიღებული გადაწყვეტილებები, წარმოდგენილი იქნება საიას 2014 წლის ადგილობრივი თვითმმართველობის არჩევნების სადამკვირვებლო მისიის შემაჯამებელ ანგარიშთან ერთად.

საიას ადგილობრივი თვითმმართველობის არჩევნების კენჭისყრისა და შემდგომი პერიოდის მონიტორინგის მისიის განხორციელება შესაძლებელი გახდა ამერიკელი ხალხის მხარდაჭერით [D\[REDACTED\]](#) შეერთებული შტატების საერთაშორისო განვითარების სააგენტოს [\[REDACTED\]](#) (USAID) დაფინანსებით. განცხადებაში გამოთქმული მოსაზრებები ეკუთვნის „საქართველოს ახალგაზრდა იურისტთა ასოციაციას A და შესაძლოა, არ გამოხატავდეს USAID-ის ან ამერიკის შეერთებული შტატების მთავრობის შეხედულებებს.